


IMIISIVIUP EQQAANI ILLUNIK AFFARLERIINNIIK MARLUNNIK SANANISSAQ PILLUGU ILLOQAR-
FIUP IMMIKKOORTORTAANUT PILERSAARUSIAQ



Illoqarfiup immikkoortortaanut pilersaarussiaq sunaava ?

Kommunit pilersaarusiariartagaat marlungorlugit immikkoortinneqartarput, tassalu illoqarfimmut pilersaarussiaq illoqarfiullu immikkoortortaanut pilersaarussiaq. Pilersaarussiaasartut taakku Inatsisartut peqqussutaat nr. 6 19. dec. 1986-imeersoq aammalu illoqarfimmut pilersaarusiortarneq pillugu nalunaarut nr. 470 26. november 1979-imeersoq naapertorlugit inatsisigtigut aalajangersagaapput.

Illoqarfimmut pilersaarussiaq aqutsinermi atugassatut pingaarnertut oqaatigineqarsinnaasoq illoqarfiup immikkoortortaanut pilersaarussiaq tassaa-sarpoq suliassat suliarineqavinnissaanni malittarisassaq. Illoqarfimmut pilersaarussiaq killilersugaasarpoq taaguusersorneqarluni s.ass. B1, B2, S1 il.il. tamarmik immikkut nalunaarsuusiugaasunik, taakkunani immikkoortortat sunut atorneqarnissaatpillugu aalajangersakkanik ilaqartunik.

Immikkoortortat taakku iluini annertunerusunik sanaartugassaqaqtillugu kommunalbestyrelsi pisinnaatitaavoq pisussaataitaallunilu nunap immikkoortuinut pilersaarusiussalluni. Illoqarfiup immikkoortortaanut pilersaarussiaq sanaartornivimmi malittarisassaasoq kimilluunniit unioqquatinneqartussaangilaq, imaappoq pisortatigoortumik imaluunniit namminersortunit pissusioreersut siunissami allannguuteqartinniarneqarpata pilersaarut naapertorlugu tamanna pisussaavoq.

Tamanut saqqummiussisarnissamik aalajangersakkat.

Inatsimmi aalajangigaavoq kommunalbestyrelsi illoqarfiup immikkoortortaanut pilersaarusiartut siunnersuummik akuersissuteqaraangat siunnersuut Naalakkersuisunut akuersissutigitinniartinnagu tamanit takuneqarsinnaasungorlugu saqqummersinneqartassasoq. Tamanit misissorneqarsinnaasungorlugu saqqumisitsineq minnerpaamik sap. akunnerinik arfinilinnik si-visussuseqartassaaq.

Aammattaq ullormit saqqummersinneqarfianiit minnerpaamik sap. akunnerini arfinilinni akerliunermik imaluunniit pilersaarutip allannguutissatut siunnersuummik nalunaaruteqarnissamat periarfissiisoqassaaq.

Qaqortup kommunia

ILLOQARFIUP IMMIKKOORTORTAANUT PILERSAARUSIAQ B2-1

Imiisiviup eqqaani illunik affarleriinnik marlunnik sananissaq pillugu illoqarfiup immikkoortortaanut pilersaarussiaq.

Imarisai: qup.

Nassuiaatitai

Aallaqqaasiut	1
Illoqarfiup immikkoortortaanut pilersaarusiap pilersaarussianut allanut naleqqiullugu qanoq issusia	1
Illoqarfiup immikkoortortaanut pilersaarusiap inatsisitigut sunniutigigallagassai	1
Illoqarfiup immikkoortortaanut pilersaarusiap inatsisitigut sunniutissai	1
Sanioqqutitsisinnaanermut periarfissat	1
Illoqarfiup immikkoortortaanut pilersaarusiap akuersissutigineqarnissaa	2
Nunap assinga nr. 1	3

Malittarisassartai

Illoqarfiup immikkoortortaanut pilersaarusiap siunertai	4
Illoqarfiup immikkoortortaaata pilersaarusiatorfiusup killilerneqarnissaa	4
Illoqarfiup immikkoortortaaata pilersaarusiatorfiusup atornerneqarnissaa	4
Aqqusernit, aqqusineeqqat biilillu uninngaartarfissaat	4
Sanaartugassat annertussusiat inissinneqarnissaallu	5
Sanaartukkat silatimikkut qanoq ittuunissaat	5
Nunaminertat sanaartorfigineqanngitsut	5
Kuuffeqarneq teknikikkullu atortorisat	5
Sanaartugassanut piariillisaaneq aningaasatigullu piumasarisat	6
Nunaminertanik atugassatut akuersissutaasimasunik allanut tunniussineq atorunnaarsitsisarnerlu	6
Akuersissutigineqarnera uppersarlugu atsiuineq	6
Nunap assinga nr. 2	7
Nunap assinga nr. 3	8

1. AALLAQQAASIUT

Illoqarfiup immikkoortortaanut pilersaarussiaq B2-1 immikkoortutut killiliussap B2-p Augo Lyngesvejip saniani imiisiviup eqqaaniittup ilamernganiippoq. Tamaani illut affarleriit pukkitsut marluk katillutik quleriinnik marlunnik sisamaasunik inissiartaqartussat sananeqassapput.

Illoqarfiup immikkoortortaanut pilersaarusiap siunertaraa periarfissap tamatuma pitsaanerpaamik atorineqarnissaa aammalu illoqarfiup pilersaarusiornernanut atatillugu illunut tamaaneereersunut nunallu pissusianut tulluurtumik atorineqarnissaa isumannaallisassallugu.

2. ILLOQARFIUP IMMIKKOORTORTAANUT PILERSAARUSIAP PILERSAARUSIANUT ALLANUT NALEQQIULLUGU QANOQ ISSUSIA

Illoqarfiup immikkoortortaanut pilersaarussiaq B2-1 illoqarfimmut pilersaarusiami killilerlugu immikkoortitaasup B2-p iluaniippoq. Illoqarfimmut pilersaarusiami B2 akulikitsunik/pukkitsunik imaluunniit immikkuualuttunik nammineriisamik illuliorfissatut immikkoortitaavoq. Pilersaarusiami uani B2-1-imi tamanana eqqortinneqarpoq sananeqassammata illut affarleriit pukkitsut marluk. Illut taakku annerpaamik quleriinnik marlunnik initalerlugit sananeqassapput. Affarleriinnik illuliorfiginiarneqarneranut patsisaavoq periarfissap sapingisamik atorluarneqarnissaa. Illoqarfimmut pilersaarusiarnut immikkoortortanullu pilersaarussianut allanut pilersaarussiaq una tulluurtuavoq.

3. ILLOQARFIUP IMMIKKOORTORTAANUT PILERSAARUSIAP INATSIITIGUT SUNNIUTIGI-GALLAGASSAI

Illoqarfiup immikkoortortaanut pilersaarusiarnut siunnersuummi killigitinneqartut iluanni suliniutinik kikkulluunniit pilersaarusiornermi sunniuteqagataanissaannut ajornartorsiortitsilersinnaasunik aallarniisoqassanngilaq immikkoortortamulluunniit pilersaarusiaviup imarisai sioqutsisumik tamatumuuna atorniarneqassanatik. Akerliliilluni nalunaaruteqarsinnaatitaaffiup qaangiunneratigut immikkut pissutissaqartillugu qanoq iliuuseqarniarnerit pilersaarusiarnut siunnersuummut akerliunngitsut akuersissuteqarfigineqarsinnaapput. Qanoq iliuuseqarniarnerit akuerisaareersimasut maannakkutut ingerlaannarsinnaapput.

4. ILLOQARFIUP IMMIKKOORTORTAANUT PILERSAARUSIAP INATSIITIGUT SUNNIUTISSAI

Illoqarfiup immikkoortortaanut pilersaarusiap akuersissutigineqareersimasup killigititaasa iluanni pilersaarutip aalajangersagaanut akerliusunik suliniuteqarneq aallarnerneqassanngilaq. Immikkut pissutissaqartillugu allannguutissat pingaaruteqannginnerusut pillugit immikkut akuersissuteqartoqarsinnaavoq. Allannguutissat pingaaruteqartut illoqarfiup immikkoortortaanut nutaamik pilersaarusiornissaq pisariaqartippaat. Qanoq iliuuseqarniarnerit akuerisaareersimasut maannakkutut ingerlaannarsinnaapput.

5. SANIOQQUTITSISINNAANERMUT PERIARFISSAT

Illoqarfiup immikkoortortaanut pilersaarusiap akuersissutigineqareersimasup aalajangersagaanit pingaaruteqarpallaanngitsunik allannguutissat kommunalbestyrelsimit akuerineqarsinnaapput, tamatumuuna pilersaarutip imarisai pingaarnerit taassumalu atorineqarnissaa allannguuteqartinneqassanngippata.

6. ILLOQARFIUP IMMikkoortortaanut PILERSAARUSIAP AKUERSISSUTIGINEQARNISSAA

Illoqarfiup immikkoortortaanut pilersaarussiaq tamanut saqqummiusimaneqarfis-
saata qaangiunneratigut kommunalbestyrelsip akuersissutigereerpagu pilersaa-
rusiaq aningaasaqarnermut qullersaqarfimmut saqqummiunneqassaaq atortussan-
ngortinniarlugu (akueritinniarlugu).

REDEGØRELSEN



LOKALPLAN B2-1	OPFØRELSE AF 2 DOBBELTHUSE	1
signaturer	Oversigtskort Byplan 1985-95s rammeområde B2	
QAQORTOQ KOMMUNE	JANUAR1989	KORT NR

PAR. 1. ILLOQARFIUP IMMIKKOORTORTAANUT PILERSAARUSIAP SIUNERTAI

stk. 1.1. Illoqarfiup immikkoortortaanut pilersaarusiap nunaminertap tama-tuma nammineq pigisassanik quleriinnik marlunnik initaqartunik aammalu il-lunik affarleriinnik inissialiorfigineqarnissaa isumannaallisassavaa. Pi-lersaarusiapi aqqusineqarfissat, biillinut uninngaartarfissat kussinilior-fissallu aalajangiiffigineqassapput.

Illoqarfiup immikkoortortaanut pilersaarusiap uuma siunertaraa illunik affarleriinnik marlunnik katillugit sisamanik inissiaartaqartussanik nam-minerisamillu pigineqartussanik sananissami immikkuualuttutigut aalaja-ngersakkat suliarineqarnissaat.

Pilersaarusiapi siunertarineqartut ukuupput:

- nunaminertap pineqartup pitsaanerpaamik atorineqarnissaa isumannaallisassallugu
- aammalu illoqarfiup pilersaarusiorteraneranut atatillugu illunut tamaaneereersunut nunallu pissusianut tulluurtumik atorineqarnissaa isumannaallisassallugu.

PAR. 2. ILLOQARFIUP IMMIKKOORTORTAATA PILERSAARUSIORFIUSUP KILLILERNEQARNISSAA

stk. 2.1 Immikkoortortaq pilersaarusiortorfiusoq aqqusinermit Augo Lyngesvej-imit, avannamut iniisiviup qaqqajunnattaanut kujammullu illuliorfigisaa-sup kujataanut nunap assingani nr. 1-imi takutinneqartumut killilerneqar-poq.

PAR. 3. ILLOQARFIUP IMMIKKOORTORTAATA PILERSAARUSIORFIUSUP ATORNEQARNISSAA

stk. 3.1. Immikkoortortaq inissialiorfissaannartut atorineqassaaq. Sananeqartussat ukuinnaassapput illut affarleriit.

stk. 3.2. Inissialianut qanittuni inissiat ataasiakkaat quissaat anginngitsut sananeqarsinnaapput.

stk. 3.3. Immikkoortortap iluani ataatsimoorullugu kiassaateqarfissaq anginngitsoq illunut affarleriinnut marlunnut naammattussaq sananeqarsinnaavoq.

PAR. 4. AQQUSERNIT, AQQUSINEEQQAT BIILILLU UNINNGAARTARFISSAAT.

stk. 4.1. Aqqusinermit J.H.Lytzensvej-imit nutaamik 4 meteritut silitsigisussamik aqqusinniortoqassaaq illua'tungaartigut annivissartaqanngitsumik nunap assingani takutinneqartup tungaanut (takuuk nunap assinga nr. 1).

stk. 4.2. Inissiaqarfiup aqqusinissaata isuani biilit sangusarfissinneqassapput nunap assingani nr. 1-imi takutinneqartutut.

stk. 4.3. Aqqusinissap avannaa'tungaani nunaminertaq 1,5 meterinik silisuseqartoq kussiaqarfissatut aammalu aputaajaasarnermi inissiisarfi-satut immikkoortinneqassaaq.

stk. 4.4. Aqqusineq sananeqartussaq namminerisamik aqqusiniussaaq illua'tungaartigut annivissartaqanngitsoq.

PAR. 5. SANAARTUGASSAT ANNERTUSSUSIAT INISSINNEQARNISSAALLU.

stk. 5.1. Sanaartugassat titartagaq takutinneqartoq aammalu illuliornissamut pilersaarussiaq (nunap assinga nr.3) eqqortillugu aatsaat sananeqassapput.

stk. 5.2. Pilersaarusiorneqartup iluani inissiat katillugit sisamaasut illunut affarleriinnut marlunnut avitaasut sananeqassapput.

stk. 5.3. Inissiat annerpaamik quleriit marlunngorlugit sananeqassapput nunap sivinganera patsisigalugu alliusussat inissiatuttaaq aaqqissuunneqarsinnaanngorlugit.

stk. 5.4. Inissiat tamarmik immikkut qanittuini quilliorneqassapput.

PAR. 6. SANAARTUKKAT SILATIMIKKUT QANOQ ITTUUNISSAAT.

stk.6.1. Inissiat silatimikkut qisunnik qallersugaassapput sungaartumik, tungujortumik, aappaluttumik qorsummilluunniit qalipanneqartussat. Igallasserfii igalaallu sinaakkutaat qaqortumik qalipaateqassapput. Illut ataasiakkaat sorliit qalipaatinik taaneqartunik qalipanneqarnissaat kommunalbestyrelsimut isumaqatigiinniutigineqassaaq.

stk. 6.2. Illut qaliaat pappialarsuarmik qernertumik qallerneqassapput.

stk. 6.3. Illut qaliaat tulluurtunik uinganilerneqassapput, qaliaasalu kuimarnini aniinganersalerneqarsinnaallutik.

stk. 6.4. Qaliaasa kuimani 35 45 gradillu akornanniissapput.

PAR. 7. NUNAMINERTAT SANAARTORFIGINEQANNGITSUT.

stk. 7.1. Nunaminertat sanaartorfigineqanngitsut kommunalbestyrelsip akuersissuteqarneratigut annertunngikkaluamik atorneqarsinnaapput aneer-suartarfiorfigalugit, qattunersaliorfigalugit, illuaqqamik naasuusiviliorfigalugit il.il. tamanna illugisamut atatinneqassapput.

stk. 7.2. Nuna illut eqqaanniittoq illullu akornaniittoq ima nalimmatserneqassaaq imeq nunap qaavanut pisartoq ajornanngitsumik kuussinnaasunngorlugu aammalu saligaatsuutikkuminarsitillugu.

stk. 7.3. Inissiamik piginnittoq pisussaataavoq nunaminertat sanaartorfigineqanngitsut inissiat eqqaanniittut saligaatsuutinnissaannut.

stk. 7.4. Silaannarmi toqqortanik uninngaartitsisoqassanngilaq.

stk. 7.5. Aqqusernit qaammaqquteqartinneqarnissaat kommunalbestyrelsip erseqqinnerusumik ilitseruussuteqareerneratigut aaqqinneqartassaaq.


stk. 7.6. Nunaminertat sanaartorfigineqanngitsut sanaartornermit patsiseqartumik naasorisamikkut allakkulluunniit aserugaasimasut iluarsaanneqartassapput.

PAR. 8. KUUFFEQARNEQ TEKNIKIKKULLU ATORTORISAT.


stk. 8.1. Sanaartugarisat kuuffinnut tamanit atorneqartunut (kloak) atassuserneqassapput. Imeq igitassaq kloakinut ingerlatinneqartassaaq. Imeq nunap qaavanut pisartoq aammalu imeq illut qaliaasa qaavinit kuuttartoq illunut eqqaamiorisanut akornusiisinnaajunnaarlugu kuutsinneqartassaaq.

stk. 8.2. Imeq nunap qaavanut pisartoq kussinikkut aqqusernup nammine-

VEDTÆGTSDELEN



LOKALPLAN B2-1	OPFØRELSE AF 2 DOBBELTHUSE	2
signaturer grænse for lokalplanområde 	Lokalplankort mål 1: 500	
QAQORTOQ KOMMUNE	JANUAR 1989	KORT NR



LOKALPLAN B2-1	OPFØRELSE AF 2 DOBBELTHUSE	
signaturer 	Illustrationsplan mål 1: 500	<h1>3</h1>
QAQORTOQ KOMMUNE	JANUAR 1989	KORT NR

risap avannaa'tungaaniittussakut kuutsinneqartassaaq.

stk. 8.3. Immikkoortortaq naafferartumik sanaartorfigeqqinneqassappat taava aqquusernit, kussinerit, innaallagissap sarfaa, imeq kloakillu sanaartortoqarnerit tamaasa ima angissusilerlugillu inaarneqartassapput sanaartugassat tulliuttut tamakkuninga pilersorneqarsinnaasunngorlugit.

stk. 8.4. Teknikikkut pilersuutigalugit sanaartugarisat ataatsimoorullugit atorineqartussat patajaatsumik ingerlaannarnissaat isumannaallisarniarlugu kommunalbestyrelsip piumasarisinnaavaa immikkoortortami pineqartumi illunik piginnittut akornanni tamanna siunertaralugu isumaqatigiissuteqartoqartarsinnaanissaa.

PAR. 9. SANAARTUGASSANUT PIARIILLISAANEQ ANINGAASATIGULLU PIUMASARISAT.

stk. 9.1. Aqqusinernik, aqquusernit qulliinik, kloakinik, innaallagissap sarfaanut atortunik ernngullu aqquutaanik sananissamut piariillisaanermi aningaasartuutit sanatitsisumit akilerneqassapput. Sananeqareernerisa kingornisigut kommuni NUNATEK-ilu sananeqartut ingerlanneqarnerinik aserfallatsaalineqarnerinillu tiguseqqullugit qinnuigineqarsinnaapput.

PAR. 10. NUNAMINERTANIK ATUGASSATUT AKUERSISSUTAASIMASUNIK ALLANUT TUNNIUSSINEQ ATORUNNAARSITSISARNERLU.

stk. 10.1. Illu inerlugu sanaaq tunniunneqaraangat nunaminertamik atuinissamut akuersissut ingerlaannartumik piginnittortaamut nuunneqartassaaq.

stk. 10.2. Nunaminertaq atugassatut tunniunneqartoq aammalu tassani illuliaq aallartinneqarsimagaluarluni inerneqanngitsoq allamut tunniunneqarsinnaanngilaq. Sanaariniagaq inerneqartinnagu sananiarnermut pilersaarutit taamaatinneqassappata nunaminertamik atugassatut tunineqarsimasoq pisussaavoq tamanna erniinnarluinnaq kommunalbestyrelsimut nalunaarutigissallugu.

stk. 10.3. Nunaminertaq atugassatut tunniunneqartoq atorineqanngippat kommunip atorunnaarsitsisinermit malittarisassai atorineqassapput.

PAR. 11. AKUERSISSUTIGINEQARNERA UPPERNARSARLUGU ATSIUINEQ.

Illoqarfiup immikkoortortaanut pilersaarussiaq B2-1 naggataarutaasumik akuersissutigineqarpoq 22/11 1989

Fg. hale T. Qalk.
Henrik Lund
borgmester

Leif Ellebæk
Leif Ellebæk
kommunaldir.

Illoqarfiup immikkoortortaanut pilersaarussiaq B2-1 naggataarutaasumik akuersissutigineqarpoq kommunalbestyrelsimit 1989

Fg. borgmester
hale T. Qalk.
Henrik Lund
borgmester

Leif Ellebæk
Leif Ellebæk
kommunaldir.